

REFERAT IIIA - Isumaginninnermut Inunnullu Innarluutilinnut Ataatsimiititaq d. 20-01-2022

Mødedato Torsdag d. 20. januar 2022 kl. 18:00

Mødested Teams / Oqarasuaatikkut

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit	6
Suliat Isumaginninnermut, Suliffeqarnermut Inuussutissarsiornermullu Ingerlatsivimmut attuumass	9
Piffissami 2021-mi oktobarimiit 2021-mi decembarimut pissaanermik atuisimaneq pillugu nalunaar	13
Innarluutillit pillugit immikkoortumut pilersaarutip killiffia (2021).....	16
Inuit innarluutillit pillugit Siunnersuisooqatigiit ataatsimiittarneri pillugit ataavartumik ilisimatitsiss	20
Utoqqaat pillugit Siunnersuisooqatigiit ataatsimiittarneri pillugit ataavartumik ilisimatitsisarnerit....	22
Tasiilami Kofoed Skolemik pilersitsineq.....	24
Piginnaatitsinermik agguataarinissamut pilersaarutip nutarterneqarnera.....	27
Oqaluuserisassanut tapiliussaqa:Angerlarsimaffeqaanngitsunut inissat nuunneqarnerinik ilisimatitsiss	30
Taasariaqartut allat.....	32
Imaqarniliap akuerineqarnera.....	33

Punkt .: Saqqaa

Inge Olsvig Brandt (IA) Siulittaasoq
Lone Rosengreen Pedersen (IA) siulittaasup tullia
Avaaraq S. Olsen (IA)
Poul Petersen (D)
Mala Høy-Kukó (S)

Beslutning

Ataatsimeeqataasut:
Lone Rosengreen Pedersen (IA)

Oqarasuaatsikkut:
Inge Olsvig Brandt (IA)
Avaaraq S. Olsen (IA)
Poul Petersen (D)
Mala Høy Kúko (S)

Punkt .: Oqaluuserisassat akuerineqarneri

Beslutning

Oqaluuserisassat akuersissutigineqarput.

Punkt .: Nalunaarutit

Siulittaasumiit nalunaarutit:

Ingerlatsivimmiit nalunaarutit:

Punkt 1: Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

Beslutning

Ilisimatitsissut tusaatissatut tiguneqarpoq.

Bilag

Suliffissaaleqisut kisitsisaannut takussutissiat

Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

Ilisimatitsissut

SagsID.: EMN-2021-16692

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivik suliffissaaleqineq anigorniarlugu suliniutit kiisalu suliffissaaleqisut amerliartornerat pillugit ataavartumik ilisimatitsissuteqartarpoq. Matumani ilisimatitsissut 2021-mi novembarimut tunngasuuvoq.

Nuuk

Nuummi suliffissaaleqineq qaffarialaarpoq, tamannalu ukiup qanoq ilineranut tunngassuteqarpoq. Majoriaq Nuuk suliffissaaleqisut piginnaangorsaqqinneqartullu iliuusissanik pilersaarusiorfigineqartarnerannik malitseqartitsisarnini ingerlateqqippaa, taamaalilluni suliffissaaleqisut suliffeqarfinnut utersinnaatilerlugit.

Paamiut

Paamiuni suliffissaaleqineq suli aalaakkaasuuvoq. Paamiuni Majoriamit ukiuunerani suliniutit, suliffissaaleqisunut piginnaangorsaqqittunullu assigiinngitsunik ingerlatsinissat, piareersarlugit suli ingerlanneqarput.

Tasiilaq

Tasiilami suliffissaaleqineq qaffariartularpoq. Tamanna ukiup qanoq ilineranut attuumassuteqarpoq naatsorsuutigineqarporlu qaammatini aggersuni ukiuunera ilutigalugu suliffissaaleqisut amerlinissat. Tasiilami Majoriamit ukiuunerani suliniutit, suliffissaaleqisunut piginnaangorsaqqittunullu assigiinngitsunik ingerlatsinissat, piareersarlugit aallartinneqarput.

Ittoqqortoormiit

Suliffissaaleqineq qaffariaateqalaarpoq, tamannali ukiup taamaalineranut tunngaveqarpoq. Majoriami suliassat tamarmik inatsisigut pituttugaasut ataavartumik suliarineqartarput.

Kommuneqarfik Sermersuumi suliffissaaleqisut nikerarnerat

Kommuneqarfik Sermersuumi suliffissaaleqisut piffissap ilaani qaffakkiartoriarlutik kingorna appariartorput, kisianni suli 2019-imi aamma 2020-mi inissisimaffiisa ataanni suli inissisimapput. Ilanngussami takussutissiaq 1 aamma 2 takukkit.

Sumiiffik	Suliffissamik innersuunneqartut amerlassusii
Nuuk	15
Paamiut	3
Tasiilaq	0
Ittoqqortoormiit	0

Piffissami tassani innersuunneqarsimasut nalunaarsorneqarnerat

Nunaqarfinni tamani

0

Suliffeqarnermut Isumaginninnermullu Ingerlatsivimmit suliffissaaleqisut suliffittaarnissaannik innersuussisarneq suli sulissutigineqarpoq. Matumani piffissami innersuunneqarsimasunut nalunaarsuinerit tulliuttumi takuneqarsinnaapput.

Matchgruppinit agguataarinerit naatsorsorneqarnerat

Suliffeqarnermut Isumaginninnermullu Ingerlatsivimmit matchgruppimut agguataarisarneq suli immikkut ukkatarineqarpoq. Tamanna pillugu Suliffeqarnermut Isumaginninnermullu Ingerlatsivimmit qulaajaaneq annertoq aallartinneqarpoq. Taamatut ingerlatsinikkut suliffissaaleqisut katitigaanerisa allanngortinneqarnissaat naatsorsuutigineqarpoq, matumani matchgruppe 2-miittut ikilisinneqarnissaat immikkut pineqarpoq. Ilanngussami takussutissiaq 3 takuuk.

Avataaniit suliarortut naatsorsorneqarneri

Novembari	Amerlassusiat
Akuersissutit amerlassusii	24
Itigartitsissutit amerlassusii	0
Sivitsuinerit amerlassusiat	3
Aalajangiinerit katillugit	27

Akuersissutit assigiinngitsut atorfinnut agguataarneqarsimasut ilanngussami 4-mi takukkit.

Saaffiginnilluni ilitsersuisarnerup naatsorsorneqarneri

Majoriaq inuusuttunut 16-30 akornanni ukiulinnut saaffiginnilluni ilitsersuinerimik suliaqartarpoq. Saaffiginnilluni ilitsersuineri sullinniakkat inuusuttuupput suliffissaaleqisut aammalu ilinniakkamik ingerlatsinngitsut, kisianni Majoriami suliffissaaleqisutut nalunaarsorneqarsimanngitsut.

Nuuk minillugu kommunimi tamarmi ujartuilluni siunnersuineq aallartinneqarpoq. Nuummi inuusuttut kisitsisitigut qaffasissumiinnerat pissutigalugu annertunerusumik pilersaarusiornissaq pisariaqarpoq. Suliffeqarnermut Isumaginninnermullu Ingerlatsiviup naatsorsuutigivaa, nuummi aaqqissuussaasumik suliniuteqarneq 2022-p aallartinnerani piareerneqassasoq.

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumi suliffissaaleqinerup allannguuteqartarnera pisortanit ikiorsiissutitut kiisalu suliffeqanngikkallarnermi pisartakkanut aningaasartuutitut sunniuteqartarput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit

- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq.

Ilanngussaq

1. Suliffissaaleqisut kisitsisaannut takussutissiat

Punkt 2: Suliat Isumaginninnermut, Suliffeqarnermut Inuussutissarsiornermullu Ingerlatsivimmut attuumassuteqartut Isumaginninnermi Naammagittaalliuuteqartarfimmeersut

Beslutning

Ilisimatitsissut tusaatissatut tiguneqarpoq.

Suliat Isumaginninnermut, Suliffeqarnermut Inuussutissarsiornermullu Ingerlatsivimmu attuumassuteqartut Isumaginninnermi Naammagittaalliuuteqartarfimmeersut

4. kvartal 2021

Ilisimatitsissut

SagsID.: EMN-2021-16393

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliamik saqqummiussineq

4. kvartali 2021-mi Suliffeqarnermut Isumaginninnermullu Ingerlatsivik Isumaginninnermi Naammagittaalliuuteqartarfimmit aalajangiinernik 59-inik tigusaqarpoq.

Piffissami tamatumani innuttaasut ima amerlatigisut pisortanit ikiorsiissutinik pisartagaqarsimapput:

Ikiorsiissut	Ikiutinik pisartagallit amerlassusaat
Pisortat ikiorsiissutaat illumut kinguaattoorutit ilanngullugit	1013
Siusinaartumik pensionisiallit	1017
Utoqqalinersiat	1173
Suliffeqanngikkallarnermi ikiorsiissutit	132
Ineqarnermut akiliummut tapiissutit	1433
Ernereernermit ullormusiat	145
Katillugit	3870

Suliat Isumaginninnermik Naammagittaalliuuteqartarfimmeersut ima agguataarsimapput (KS = Kommuneqarfik Sermersooq):

Suliap suussusaa	Kommune ilalerneq arpoq	KS-ip aalajangiinera atorunnaarsinneqarpoq/allanngortinneqarpoq innuttaasooq ilalerneqanngikkaluartooq	Atorunnaarsinneqarpoq	Utertinneqartut	Innuttaasooq ilalerneq arpoq
Utoqqalinersiat	1		1	2	
Suliffissaaleqisunik ikiorsiineq	4		2	6	
Erninnermi sulinnigiffeq arnerit.				2	
Ineqarnermut akiliummut tapiissutit	2		2	6	



Siusinaartumik pensionisiallit	1	1	7	
Pisortanit ikiorsiissutit	2	2	7	
Allat		9	2	
Tamakkerluggit	10	17	32	

Takussutissami takuneqarsinnaasutut, Isumaginninnermut Naammagittaalliuuteqartarfiup Suliffeqarnermut Isumaginninnermullu Ingerlatsivik suliani 10-ni ilalersimavaa; 32-it utertinneqarput suliareqqitassanngortinneqarlutik, suliani 0-ini innuttaasoq naammagittaalliuuteqarnermini ilalernerqarsimavoq, sulianilu 0-ini DSA ingerlatsiviup aalajangiineranik atorunnaarsitsisimavoq imaluunniit allanngortitsisimavoq.

Isumaginninnermut Naammagittaalliuuteqartarfiup Suliffeqarnermut Isumaginninnermullu Ingerlatsiviup aalajangiineranik atorunnaarsitsineranut allannguisimanageranulluunniit pissutaasinnaavoq, Suliffeqarnermut Isumaginninnermullu Ingerlatsiviup aalajangernera DSA-p kukkusutut atorsinnaanngitsutulluunniit nalilerpagu, innuttaasoq naammagittaalliuutimini ilalernerqarsimanngikkaluartoq. Assersuutitut taaneqarsinnaavoq, Suliffeqarnermut Isumaginninnermullu Ingerlatsivik siusinaartumik pensionisiaqalertussaannngitsumut siusinaartumik pensionisiaqalersitsisimappat.

Sulianik utertitsineq isumaqarpoq, suliat Suliffeqarnermut Isumaginninnermullu Ingerlatsivimmut suliaakkiissutigineqaqqittut. Tassunga pissutaasinnaavoq, suliamut paasissutissat amigarsimasut, taamaalilluni Isumaginninnermi Naammagittaalliuuteqartarfik aalajangiisinnaanani. Taamaattumik ingerlatsiviup suliaq suliareqqissavaa, tamannalu aalajangiisimanagerup assinganik kinguneqarsinnaavoq imaluunniit nutaamik aalajangiisoqarluni.

Utertitsinnermut pissutaasut amerlasoorsuusinnaapput. Assersuutigalugu innuttaasumit paasissutissat amigaataappata nutaanilluunniit paasissutissanik takkuttoqarsimappat. Imaassinnaavorluunniit kommune qinnuigineqartoq aalajangiineq annertunerusumik tunngavilersoqqullugu.

Suliani 32-ni 21-it 2020-mi aalajangiinerupput. Sulianilu 6-ni, kommunip ilalernerqarfigisai, tassaapput piffissami 2020-meersut. Aalajangiinernut pisoqaanerusunut pissutaavoq DSA-mi sulianik suliarinninnermi piffissaq atorneqartartoq.

Utertitsineq tunngaviusumik pissuteqarpat, Suliffeqarnermut Isumaginninnermullu Ingerlatsivimmit malinnaavigineqassaaq utertitsineq sulianut assingusunut suleriaatsimik allanngortitsinissamut qanoq pissutissiitiginersoq.

Nalinginnaasumik Suliffeqarnermut Isumaginninnermullu Ingerlatsiviup DSA-mi aalajangikkat malinnaaffigisorujussuusarpai. Taamaattumik Suliffeqarnermut Isumaginninnermullu Ingerlatsivimmi DSA-mi aalajangikkat malinnaaffiginiarlugit ingerlatsivimmi sulisut pingaarnerit aalajangersimasumik ataatsimiittarput.

DSA siornatigumut naleqqiullugu nutaamik suliareqqitassanngortitsilluni amerlanerusunik utertitsisarpog. Suliat utertinneqartartut ikilisarneqarnissaat Suliffeqarnermut Isumaginninnermullu Ingerlatsiviup anguniarpaa, taamaaliornikkut suliat eqqortumik, paasinartumik tunngavilersorluakkamillu suliarineqarnissaat qulakkeerneruniarlugu.



Innuttaasut ataasiakkaat pisariaqartitaat inatsillu atuuttoq eqqarsaatigalugit aalajangiisernerit eqqortuunissaat, Isumaginninnermut Suliffeqarnermullu Ingerlatsiviup sullissinerup pitsaassusaa qulakkeerniartuassavaa. Suliat naammassisimasut kisitsisinngorlugit Suliffeqarnermut Isumaginninnermullu Ingerlatsivimmit kvartalikkaarlugit saqqummiunneqartalissapput.

Ingerlatsivimmit aningaasatigut sulisoqarnikkullu naliliinerit

Soqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- Kommuneqarfik Sermersuumut oqartussaqaarfiit immikkoortortaannut pilersaarut

Ilanngussaq

Soqanngilaq.

Punkt 3: Piffissami 2021-mi oktobarimiit 2021-mi decembarimut pissaanermik atuisimaneq pillugu nalunaarutinik ilisimatitsissut

Beslutning

Ilisimatitsissut tusaatissatut tiguneqarpoq.



Piffissami 2021-mi oktobarimiit 2021-mi decembarimut pissaanermik atuisimaneq pillugu nalunaarutininik ilisimatitsissut

Ilisimatitsissut

SagsID.: EMN-2021-16395

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu

Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Ataatsimiititaq ilisimatinneqartassaaq pissaanermik atuisimanerit pillugit nalunaarusianik, qaammatit pingasut qaangiunneri tamaasa. Ilisimatitsissummi paasissutissat nalunaaruteqarnermi immersukkat attuumassuteqartut ikiorsiullugit katersorneqarput.

Utoqqarnut aamma Inunnut Innarluutilinnut kiisalu Inunnut Tarnimikkut nappaatilinnut tunngasuni pissaanermik atuineq pillugu nalunaaruteqartarneq annikitsuinnaavoq. Pissaanermik atuisimaneq pillugu nalunaarutit ikittuinnaaneranunat nalunaaruteqanngittarneq pissutaaratarsinnaavoq. Taamaattumik suliniutit sulii aallunneqassapput, eqqortumik nalunaarutiginnittarnissamik qulakkeerinneqataasussat.

Pissaanermik atuisimaneq takussutissaliorneqartarpoq, qulakkeerniarlugu pissaanermik atuisoqarsimanermit tunngasunik suliartoqartillugu innuttaasut sulisullu perorsaanermit tunngasunik suliartigullu eqqarsaatigineqarsinnaasunik eqqortumik iliortoqarsimaneranik uppersaatissaqarnissaq.

Ilisimatitsissut una piffissami 2021-mi oktobarimiit 2021-mi decembarimut atuuppoq. Ilisimatitsineq tulleq piffissami 2022-mi januaarimiit 2022-mi marsimut atuutissaaq.

Utoqqarnut tunngasunik suliassaqarfimmi piffissami pineqartumi pissaanermik atuisoqarsimaneranik nalunaaruteqartoqanngilaq.

Inunnut innarluutilinnut aamma Tarnimikkut nappaatilinnut Immikkoortortaqarfik suliassaqarfimmi piffissami pineqartumi pissaanermik atuisoqarsimaneranik nalunaaruteqartoqanngilaq.

Nalunaarutiginninnerinik malinnaaffiginninneq

Nalunaaruteqarnerit sulisumit immersorneqassapput, immikkoortumi aqutsisoq imaluunniit immikkoortaqarfimmi aqutsisoq suleqatigineqarsinnaavoq. Nalunaaruteqarnerit ataasiakkaanut tunngatillugu, malitseqartitsisoqassanersoq aamma pitsaaliuutaasinnaasumik suliniuteqartoqassanersoq isummertoqartassaaq, nalunaaruteqarnermit pissutaasut qanorpiaq ittuunera tunngavigalugu.

Najugaqatigiiffinni immikkoortuni aqutsisut, taakkunani immikkoortaqarfimmi aqutsisut kiisalu fagchefti tamarmik nalunaarutininik suliartoqartussaapput tamarmillu immikkut suliniutaareersunik oqaaseqaateqartarput, aamma pitsaaliuinnermit tunngatillugu suliniutit pillugit.

Nalunaarutiginninnerit immikkoortaqarfimmi aqutsisut ataatsimiinneranni eqqartorneqartarput misissorneqartarlutillu tamannalu qaammatit marlukkuutaarlugit ingerlanneqartarpoq,



isummerfigineqartarporlu nalunaarutinut tunngatillugu suliniutit suut aallartinneqassanersut. Pisuni nukinginnartuni, immikkut ittumik ataatsimiigjaqqusisoqartarpoq.

Ingerlatsivimmit aningaasatigut sulisoqarnikkullu naliliinerit
Ilanngussaqaqqanngilaq.

Suliffeqarfimmut Kiffartuussivimmit aningaasatigut naliliineq
Pisariaqaqqanngilaq.

Inatsisitigut tunngavissaq allakkallu tunngaviusumik uppersaatitallit

- Isumaginninnermik suliassaqaqarfimmi pissaanermik atuineq pillugu Inatsisartut inatsisaat nr. 1, 21. novembari 2013-imeersoq

Ilanngussat
Ilanngussaqaqqanngilaq.

Punkt 4: Innarluutillit pillugit immikkoortumut pilersaarutip killiffia (2021)

Beslutning

Ilisimatitsissut tusaatissatut tiguneqarpoq.

Bilag

Innarluutillit pillugit immikkoortumut pilersaarummi suliniutit killiffii 2021



Innarluutillit pillugit immikkoortumut pilersaarutip killiffia (2021)

Ilisimatitsissut

SagsID.: EMN-2021-15157

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Meeqqanut Ilaqutariinnullu Ingerlatsivik – pisortaq Martha Abelsen / MRBL

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Suliffeqarnermut Isumaginninnermullu Ingerlatsivik Suliffeqarnermut Isumaginninnermullu

Ataatsimiititamut inassuteqaatigaa:

- innarluutillit pillugit immikkoortumut pilersaarutip killiffia tusaatissatut tiguneqassasoq

Suliamik saqqummiussineq

Innarluutillit pillugit suliaasaqarfimmi suliniutit pillugit ukiumoortumik killiffik pillugu

suliaqartoqartarpoq. Innarluutillit pillugit immikkoortumut pilersaarut pillugu ukiumoortumik

ilisimatitsissuteqarnikkut innarluutillit pillugit immikkoortumut pilersaarummi aamma innarluutillit

pillugit politikimi anguniakkat immikkut erseqqissaatigineqarsimasut anguniarneqarnerisa

sulissutigineqarnerat qulakkeerneqartarpoq.

Innarluutillit pillugit immikkoortumut pilersaarut Innarluutilinnut aamma tarnikkut nappaatilinnut

Immikkoortortami suliniutinut tamanut naleqqatut atorneqassaaq, politikikkullu anguniakkat qanoq

aalajangersimasumik iliuuseqarnikkut piviusunngortinneqarnissaannut

atuutilersinneqarnissaannullu saqqummiussisuulluni. Taamaalilluni immikkoortumut pilersaarut

kommunimi innarluutillit pillugit suliaasaqarfimmi, iliuusissanut nutaanut ataavartumik

tulluarsagassanik pilersaarusernermut aqutsinermullu atugassiaavoq.

Suliffeqarnermut Isumaginninnermullu Ingerlatsiviup ingerlatsiviit allat suleqatigalugit killiffimmik

nalunaarsuineq ataqatigiissarlugulu suliarivaa.

Ilanngussami innarluutillit pillugit immikkoortumut pilersaarummi ineriartortinneqartussani

qulingiluasuni iliuuserineqartut immikkut killiffii allassimapput. Tulliuttumi 2021-mi suliniutit

iliuutsillu ataasiakkaat eqikkarneqarput.

Innuttaasunut innarluutilinnut sammisassaqaartitsineq

- 2021-mi innuttaasut 34-it OCN-imik ingerlatsinermik naammassinnipput, taakkunani innuttaasut 25-t Nuummeersut qulingiluallu Paamiuneersut.
- 2021-mi oktobarimi innarluutilinnut sapaatip akunneqartitsineq assigiinngitsunik, soorlu aalisariarnermik, nereqatigiinnermik bankortitsinermillu sammisassaqaartitsiviullunilu aqqissuussiffiusoq. iluatsilluarsimavoq
- Nuummi pillorissaasut timimillu sungiusaasoqatigiit peqatigalugit sapaatip akunneri tamaasa ingerlaavartumik sungiusaqatigiittoqarlunilu sammisassaqaatigiittoqartarpoq, taakku sungiusarnermi ataatsimi 1-5 akornanni inuttaqartarput innuttaasullu 5-10-t ilaatigut immikkut sungiusartinneqarsimallutik.
- 2021-mi suliffissaqaartitsinermut tunngatillugu suliniut SIU-TSIU Tasiilami pilersinneqarpoq. SIU-TSIU inuusuttut atugarliortut ilinniakkamik suliffimmiluunniit sulinermik aallartitsiniarnissaannut piginnaangorsaallunilu tapersersuisarpoq. 2021-mi qulit peqataapput taamatuttaarlu siunissami peqataasut quliusarnissaat naatsorsuutaavoq.

Tikikkuminassuseq aamma innuttaasunut paasititsiniaaneq



- 2021-p aallartinnerani qanigisat peqatigalugit najukkani immikkoortuni aaqjissuussinerit arlallit ingerlanneqarput. Tamannali innuttaasunik ataatsimiititsinerit qanigisallu unnussiuuaaqatigiittarnerisa ikissimanerini kinguneqartumik covid-19 pissutigalugu tunullinneqartariaqarsimavoq.
- Tasiilami biiliutsittarnermi pissutsit pitsaanerunissaat kiisalu innuttaasut ataatsimut biiliunneqarsinnaanissaannut periarfissat amigaatigineqarput, assersuutigalugu illoqarfiup timersortarfiani sungiusartarfik, biiliutsinnermi pissutsit angallanermullu periarfissat pitsaannginneri pissutigalugit atorneqarpiarneq ajorpoq.'
- 2021-mi illoqarfiit nunaqarfiillu tamarmik pillorissaasunit timimillu sungiusaasoqatigiinnit angalaqatigiittartunit minnerpaamik ataasarlutik tikeraarneqarsimapput.

Suliffimmi avatangiisit aamma sulisunik ineriartortitsineq

- 2021-mi sullissisut Inuit innarluutillit ikorfartorteqarnissaannut Inatsisartut inatsisaat nr. 13, 12. juni 2019-imeersoq pillugu ilinniartinneqarput. Taamatuttaaq meeqqanut tunngasunik suliassaqarfimmi sullissisut Danmarkimi autisme pillugu ataatsimeersuarnermi peqataapput, ilutigalugulu Refsnæs blindeinstitut pularlugu.
- 2021-p naalernerani OCN Danmarkimit 35-nik peqataasulimmik pikkorissartitsisoqarpoq. Pikkorissartitsineq OCN-imut ilitsersuisutut naammassereersut ataqatigiissaarisullu piginnaangorsarniarlugit ingerlanneqarpoq. Ilitsersuisut naammassereersut malitseqartitsivigineqartarnissaat siunissami annerusumik qitiutinneqartassaaq.
- Immikkoortuni sulisut annertunerusumik siunersuiffigineqartarnissaat ujarorneqarsimavoq. Taamaattumik 2021-mi siunissami immikkoortortat tamarmik siunersiorneqartalernissaat siunertaralugu suliffiup iluani supervisoritut ilinniartumik sulisoqalerpoq
- 2021-mi suliffimmi ilinniakkamik modulikkaartumik, 2022-mi sulisunik ilinniagaqartitseqqinnermik piginnaangorsaaqqinnermillu aallartitsiviusussamik pilersitsisoqarpoq. Ilinniagaq sulisunut ilinniarsimangitsunut pingaarnertut tulluussagaavoq, ilinniarsimasulli aamma eqqarsaatigineqarput.
- Siunissami meeqqat pillugit suliassaqarfimmi ikorfartortinut ataqatigiissaarisup ataani ikorfartuisoqatigiinnik aamma pilersitsisoqassaaq, ikorfartortit taamaalillutik napparsimanermut sulinngiffeqarnermullu atatillugu paarlakaattarsinnaaniassammata.

Paaqqinnittarfinni inissaqarneq

- Ataatsimut isigalugu meeqqanut innarluutilinnut atuareernerup kingorna sunngiffimmi neqerooruteqarnissaq amigaatigineqarpoq. Tamanna meeqqanut ukioqatigiiaani arfinilinnit aqqaneq marlunnut ukiulinnut kiisalu aqqaneq marlunnit 17-inut ukiulinnut amigaatigineqarpoq. Meeqqalli ADHD-mik autisemillu nappaatillit sunngiffimmi ornittakkamut Pakkumukarsinnaapput.
- Sullitanut immikkut ittunut soorlu innuttaasunut utoqqarnut eqqarsartaatsimikkut innarluutilinnut innuttaasunullu marloqiusanik nappaatilinnut, najugaqarfimmi ataatsimoorussani uffarfinnik perusersartarfinnillu allanik atueqateqarnissaminut naapertuutinningsunut najugaqarfissatut neqeroorutinik immikkut tulluussakkanik annertuumik pisariaqartitsisoqarpoq,

Ingerlariaqqinnissaq

Ilisimatitsissut tusaatissatut tiguneqassappat, ataatsimiititat 2022-mi ukiakkut innarluutillit pillugit immikkoortumut pilersaarummut killiffimmik ilisimatitsissuteqarfigineqaaqqissapput.

Ingerlatsivimmit aningaasatigut sulisoqarnikkullu naliliinerit

Innarluutillit pillugit immikkoortumut pilersaarutip killiffia pillugu ilisimatitsissut aningaasatigut sulisoqarnikkullu kinguneqassanngitsaq ingerlatsivimmit nalilerneqarpoq.

Suliffeqarfirmut Kiffartuussivimmit aningaasatigut nalililneq



Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- Innarluutilinnut politikki
- Innarluutilit pillugit Immikkoortumut Pilersaarut

Ilanngussaq

1. Innarluutilit pillugit immikkoortumut pilersaarummi suliniutit killiffii 2021

Punkt 5: Inuit innarluutillit pillugit Siunnersuisooqatigiit ataatsimiittarneri pillugit ataavartumik ilisimatitsissuteqarneq

Beslutning

Ilisimatitsissut tusaatissatut tiguneqarpoq.

Bilag

Septembarip ulluisa 27-ni 2021-mi Inuit innarluutillit pillugit Siunnersuisooqatigiit ataatsimiinnerannit imaqarniliaq

Inuit innarluutillit pillugit Siunnersuisooqatigiit ataatsimiittarneri pillugit ataavartumik ilisimatitsissuteqarneq

Septembarip ulluisa 27-ni 2021-mi ataatsimiinnermit

Ilisimatitsissut

SagsID.: EMN-2021-16687

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu

Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliamik saqqummiussineq

Ulloq 27-ni septembari Inuit innarluutillit pillugit Siunnersuisooqatigiit inissitsiterlutik ataatsimiipput.

Ulloq 27-ni septembari ataatsimiinnermi Inuit innarluutillit pillugit Siunnersuisooqatigiit siulittaasumik siulittaasullu tullersortissaanik toqqaapput. Karin Pedersen Thorsen siulittaasutut toqqaarneqarpoq, Arnajaaq Lyngge tullersortitut toqqaarneqartoq. Ataatsimiinnermi Inuit innarluutillit pillugit Siunnersuisooqatigiinni ileqqoreqqusat ilaasortanut kiisalu Kommuneqarfik Sermersuumilu Inuit innarluutillit pillugit suliaasaqarfimmut saqqummiunneqarput

Suliffeqarnermut Isumaginninnermullu Ingerlatsivik Inuit innarluutillit pillugit Siunnersuisooqatigiit sulinerat pillugu ataatsimiititamut ataavartumik ilisimatitsissuteqartassaaq. Tamatuma saniatigut imaqarniliat Kommuneqarfik Sermersuup nittartagaatigut tamanut saqqummiunneqartassapput.

Ingerlatsivimmit aningaasatigut sulisoqarnikkullu naliliinerit

Soqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Kommuneqarfik Sermersuumi Inuit innarluutillit pillugit Siunnersuisooqatigiinni ileqqoreqqusat
- Inunnut innarluutilinnut siunnersuisooqatigiit suleriaasiat

Ilanngussaq

1. Septembarip ulluisa 27-ni 2021-mi Inuit innarluutillit pillugit Siunnersuisooqatigiit ataatsimiinnerannit imaqarniliaq

Punkt 6: Utoqqaat pillugit Siunnersuisooqatigiit ataatsimiittarneri pillugit ataavartumik ilisimatitsisarnerit

Beslutning

Ilisimatitsissut tusaatissatut tiguneqarpoq.

Bilag

Septembarip ulluisa 21-anni 2021-mi Utoqqaat pillugit Siunnersuisooqatigiit ataatsimiinnerannit imaqarniliaq.

Oktobarip ulluisa 27-anni 2021-mi Utoqqaat pillugit Siunnersuisooqatigiit ataatsimiinnerannit imaqarniliaq.

Utoqqaat pillugit Siunnersuisooqatigiit ataatsimiittarneri pillugit ataavartumik ilisimatitsisarnerit

Ulluni 21 september aamma 27 oktober 2021-mi ataatsimiinnernit

Ilisimatitsissut

SagsID.: EMN-2021-16684

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu

Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliamik saqqummiussineq

Ulloq 21-ni septembari Utoqqaat pillugit Siunnersuisooqatigiit inissitsiterlutik ataatsimiipput, ullorlu 27. oktober 2021 siullermeerlutik ileqqusumik ataatsimiillutik.

21. september inissitsiterluni ataatsimiinnermi Utoqqaat pillugit Siunnersuisooqatigiit siulittaasumik siulittaasullu tullianik toqqaavoq. Marianne Jensen siulittaasunngorpoq, Mina Lorenzenilu siulittaasumut tullinngorluni. Ataatsimiinnermi Utoqqaat pillugit Siunnersuisooqatigiinni ileqqoreqqusat ilaasortanut kiisalu Kommuneqarfik Sermersuumi utoqqarnut suliassa qarfinnut saqqummiunneqarput.

Oktobarip 27-ni ataatsimiinnermi ilaasortat tamarmik Utoqqaat pillugit Siunnersuisooqatigiinni sulinerminni anguniakkaminnik saqqummiussipput. Ilaasortat arlallit Kommunip ataatsimeeqatiginerani siunnersuisooqatigiit sulinerminni utoqqaat pisinnaatitaaffii annermik ukkataralugit sulissutigissagaat kissaatigaa

Suliffeqarnermut Isumaginninnermullu Ingerlatsivik Utoqqaat pillugit Siunnersuisooqatigiit sulinerat pillugu Suliffeqarnermut Isumaginninnermullu Ataatsimiititamut ataavartumik ilisimatitsissuteqartassaaq. Tamatuma saniatigut Utoqqaat pillugit Siunnersuisooqatigiit ataatsimiinnerinit imaqarniliat Kommuneqarfik Sermersuup nittartagaatigut tamanut saqqummiunneqartassapput.

Ingerlatsivimmit aningaasatigut sulisoqarnikkullu naliliinerit

Soqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitallit

- o Kommuneqarfik Sermersuumi Utoqqaat pillugit Siunnersuisooqatigiinnut ileqqoreqqusaq
- o Utoqqaat pillugit siunnersuisooqatigiit suleriaasissaat

Ilanngussaq

1. Septembarip ulluisa 21-anni 2021-mi Utoqqaat pillugit Siunnersuisooqatigiit ataatsimiinnerannit imaqarniliaq.

2. Oktobarip ulluisa 27-anni 2021-mi Utoqqaat pillugit Siunnersuisooqatigiit ataatsimiinnerannit imaqarniliaq.

Punkt 7: Tasiilami Kofoed Skolemik pilersitsineq

Beslutning

Inassuteqaat imatut oqaaseqaatilerlugu itigartitsissutigineqarpoq:

Ataatsimiititap Tasiilami Kofoeds skolemik suleqateqarnissamik isumassarsiaq tapersersorlugu, taamaattorli ingerlatsiviup kissaatigigaa, aalajangiinissaq pitinnagu aningaasaqarnermut, pisariaqartitsinerup annertussusianut kiisalu pisariaqartitsinermit matussusiinissamik neqeroorummum tunngasunik paasissutissanik pissarsiniartoqassasoq. Ataatsimiititap kissaatigaattaaq, Suliffeqarnermut Isumaginninnermullu Ingerlatsivimmi pisortaq suliame akuutinneqassasoq. Aammattaaq ataatsimiititap kissaatigaa, Tasiilami Kofoeds skolemik kommunip tapersersuinissamik nalunaaruteqarneranut naapertuuttumik suleqatigiittoqartariaqartoq.

Bilag

Pilersaarummut qinnuteqaat

Suleqatigiissitamit allagaq

Tapersiinermit nalunaarut

Missingersuutit



Tasiilami Kofoed Skolemik pilersitsineq

Aalajangiiffigisassaq

SagsID.: EMN-2021-17177

Suliffeqarnermut Isumaginninnermullu Ingerlatsivik - pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- Kommuneqarfik Sermersuup siusinnerusukkut Tasiilami Kofoeds Skoleqarnissaanik tapersersuilluni nalunaarutiginnereersimanera tusaatissatut tiguneqassasoq
- aningaasaqarnermut sinaakktissat aallaavigalugit Kommuneqarfik Sermersuup Tasiilami Kofoeds Skolellu akornanni ingerlatsinissamut isumaqatigiissuteqarnissaq akuersissutigineqassasoq
- ammerivik eqqumiitsuliorfillu Stunken peerneqarnissaat inillu Tasiilami Kofoeds Skolemut atorneqalernissaat akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut inaarutaasumik aalajangiiffigisassanngorlugu ingerlateqqinneqassasoq

Suliassamik saqqummiussineq

2020-mi Kommuneqarfik Sermersuup Tasiilami Kofoeds Skolemik pilersitsisoqarnissaanut periarfissat misissoqquai. 2020-mi septembarimi borgmesteri Charlotte Ludvigsen kommunaldirektøriusimasorlu Lars Møller-Sørensen neqeroorummik pilersitsisoqarnissaa taperserlugu nalunaaruteqarput. COVID-19 pissutaalluni suliaq uninnganikuuvoq.

Tasiilami Kofoeds Skolep pingaarnertut sullitassarissavai Tasiilami eqqaanilu suliffissaaleqisut 18-66-ik ukiullit, aanngajaarniutinik pinngitsuuisinnaanngitsut, angerlarsimaffeqanngitsut imaluunniit allatigut inooqataanikkut unammilligassallit. Ilaatigut allorfik suleqatigalugu Tasiilami Kofoeds Skole inaataani katsorsartinnissamut neqerooruteqarsinnaassaaq.

Inassuteqaat akuerineqarpat, Tasiilami Kofoeds Skolep Kommuneqarfik Sermersuullu akornanni ingerlatsinissamut isumaqatigiissut suliarineqassaaq. Ingerlatsinermut isumaqatigiissut makkuninnga imaqaassaaq:

- Sullinniakkanik, sammisassanik naatsorsuutigineqartunik, suliniutinillu nassuiaat
- Qanoq atorneqartiginissaanut aammalu sulisut amerlassusissaanut naatsorsuutinik nassuiaat
- Suliffeqarnermut Isumaginninnermullu Ingerlatsiviup suleqatiginissaanut sinaakktussat.
- Suliaticigut suliniutinut - taassuma ataani iluatsitsinissamut naatsorsuutit - nalilersuinissamut sinaakktussat
- Uppernarsaasinnaanermut piumasaqaat (taassuma ataani naatsorsuutit, ukiumoortumik nalunaarut, ilaatigullu atuisartut naammagisimaarinerannik misissuinerit)

Tasiilami Kofoeds Skole - Nuummi Kofoeds Skole assigalugu - imminut pigisuussaaq.

Pilersaarutaavoq Tasiilami Kofoeds Skole telep illuutitoqaani pilersinneqassasoq, Kommuneqarfik Sermersuomit attartorneqarnerata tiginissaa periarfissaavoq, ataatsimiititalu aalajangenera apequtaalluni kommunip ammerivia kiisalu sanaluttarfik Stunken ilanngussinnaallugu. Ammerivik Stunkenillu sullinniagai angerlarsimaffeqanngitsuunngillat, kisiannili neqeroorutit



eqqumiitsuliortartunut sanaluttartunut Tunumi sananeqartartunik amernik kiisalu qilaatinik tupilannillu sanaartorfiulluni

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumit aningaasaqarnikkut sulisoqarnikkullu artukkiinerit Danmarkimi Kofoeds Skolemit missingersorneqarput. Nuummi Kofoeds Skoletulli suliniummik aallartitsinissamut aningaasaliisussamik nassaartoqarsimangilaq.

- Ilanngunneqartoq missingersuut (ilanngussaq 4) najoqqutaralugu ukiumut ingerlatsinermut aningaasartuutissatut naatsorsuutigineqarput 3.293.565 kr, taakkununnga aningaasarsiassat, utoqqalinersiassat, imeqarnermut kiassarnermullu aningaasartuutit.
- Kommuneqarfik Sermersuup innaallagissamut, imermut kiassarnermullu aningaasartuutit akilersussavai. Attartornissamut isumaqatigiissutissatut siunnersuut najoqqutaralugu Telep illuutitoqaata attartornissaa ukiumut 120.000 kr.-nik akeqarnissaa naatsorsuutigineqarpoq.

Tasiilami Kofoeds Skolemik pilersitsinermi ingerlatsinermilu ukiumut aningaasartuutissatut naatsorsuutigineqarput 3.413.565 kr.

Tasiilami Kofoeds Skolemik pilersitsinissamut aningaasartuutissat Suliffeqarnermut Isumaginninnermullu Ingerlatsiviup 2022-mut missingersuutaani ilaanngillat. Tasiilami Kofoeds Skolemik pilersitsinissaq aalajangerneqarpat Suliffeqarnermut Isumaginninnermullu Ingerlatsivik ilassutissatut aningaasaliisutissamik qinnuteqassaaq TB1 2022-mi.

Suliffeqarfimmut Kiffartuussivimmit aningaasatigut naliliineq

Tasiilami Kofoeds Skolemik pilersitsinissaq Ataatsimiititamit akuersissutigineqarpat kiffartuussinermik ilassutissaassaaq, tamannalu aningaasassarsiuunneqassaaq. Suliffeqarnermut Isumaginninnermullu Ingerlatsiviup naatsorsuutigaa ukiumut Tasiilami Kofoeds Skolemik ingerlatsineq 3,4 mio. kr-nik akeqassasoq.

Tasiilami Kofoeds Skolemik pilersitsisoqassappat ukiuni 2022-mi ukiunilu tulliuttuni 3,4 mio. kr nassaarineqassaaq. Aningaasat taakku Ingerlatsiviup missingersuutaaneersunik 520 mio. kr-ninngaanneersunit imaluunniit kommunip karsianiittuutaanit tiguneqassapput. Aningaasat Ingerlatsiviup missingersuutaannit tiguneqassappata, sulianik naammassinninniarnissami pingaarnersiuisoqaqqissaaq. Akerlianik aningaasat kommunip karsianit tiguneqassappata kommunip tigorianaatai 2022-p naanerani 4,3 mio. kr-nik amigartuulissapput.

Inatsisitigut tunngavissaq allakkallu tunngaviusumik uppernarsaatitalit

- Kommuneqarfik Sermersuup Angerlarsimaffeqanngitsuuneq pillugu periusissiatut pilersaarutaa.
- Suleqatigiinnissamik isumaqatigiissut 2021-2025 "Kommuneqarfik Sermersooq - Kommune illoqarfittut pingaarnersaqarfik siuariartorfiusoq."

Ilanngussaq

1. Pilersaarummut qinnuteqaat
2. Suleqatigiissitamit allagaq
3. Tapersiinermut nalunaarut
4. Missingersuutit

Punkt 8: Piginnaatitsinermik agguataarinissamut pilersaarutip nutarterneqarnera

Beslutning

Inassuteqaat akuersissutigineqarpoq.

Bilag

Kommuneqarfik Sermersuumi piginnaatitsinermik agguataarinissamut pilersaarutip nutarterneqarnissaanut siunnersuut



Piginnaatitsinermik agguataarinissamut pilersaarutip nutarterneqarnera

Aalajangiiffigisassaq

SagsID.: EMN-2022-00043

Suliffeqarfimmum Kiffartuussivik - vicekommunaldirektøri Marie Fleischer / MAFL

Inassuteqaat

Suliffeqarfimmum Kiffartuussiviup Suliffeqarnermut Isumaginninnermullu Ataatsimiititamut inassuteqaatigaa:

- Suliffeqarnermut Isumaginninnermullu suliaasaqarfimmum tunngatillugu piginnaatitsinermik agguataarinissamut pilersaarummi allannguutit akuerineqassasut
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliamik saqqummiussineq

Piginnaatitsinermik agguataarinermut pilersaarut pisortat ingerlatsivinnilu ataasiakkaani aqutsisut oqaloqatigereerlugit, kiisalu ingerlatsivinni piginnaatitsinermik agguataarinissamik pilersaarut siornatigullu suliamik saqqummiussat aammalu Kommuneqarfik Sermersuumi Aqutsinermi lleqqoreqqusat naapertorlugit suliarineqarpoq. Piginnaatitsinermik agguataarinissamut pilersaarummi tamanut atuuttussami takuneqarsinnaavoq, aalajangiisinnanermut piginnaatitsissutit Kommunalbestyrelsip, ataatsimiititat allaffeqarfiullu akornanni qanoq agguataarneqarsimanersut.

Piginnaatitsinermik agguataarinissamut pilersaarummi ingerlatsivinni tamani qinikkanik sullissinerup assigiissarneqarnissaata malinnaaffigilluarneqarnissaa qulakkeerneqassaaq, aammalu suliani ataasiakkaani kikkut aalajangiinissamut piginnaatitaaneriniq nalornisoqarsinnaanera pinaveersaartinneqassalluni.

Piginnaatitsinermik agguataarinermut pilersaarutip aalajangiiffigisassat aalajangersimasut kommunalbestyrelsimiittut imaluunniit Aningaasaqarnermut Inuussutissarsiornermullu Ataatsimiititamut, ataatsimiititanut ataavartunut allaffeqarfimmullu suliaasanngortinneqarsimasut tamaasa imarai. Piginnaatitsinermik agguataarinissamut pilersaarummi allaffeqarfiup iluani aalajangiinissamut piginnaatitsissutit agguataarneqarnissaat malittarisassaliorneqanngilaq. Taamaattumik nammineq ingerlatsiviit iluminni naleqquttunik pilersaarusiortarnissaat suli pisariaqassaaq.

Kisianni suliat sulluunniit piginnaatitsinermik agguataarineq eqqarsaatiginnikkaluarlugu kommunalbestyrelsimut imaluunniit Aningaasaqarnermut Inuussutissarsiornermullu Ataatsimiititamut aalajangiiffigisassanngorlugit saqqummiunneqartassapput, suliaq kommunimut annertuumik imaluunniit tunngavimmigut pingaaruteqarpat imaluunniit immikkut ittunik peqquteqarpat.

Piginnaatitsinermik agguataarinissamut pilersaarutaaqqaartoq 2021-mi juunimi Kommunalbestyrelsimut akuerineqarpoq. Massakkulli ingerlatsivinnit tamanit nutarterneqarpoq. Suliffeqarnermut Isumaginninnermullu suliaasaqarfimmum tunngatillugu piginnaatitsinermik agguataarinissamut pilersaarut nutartigaq ilanngussaq 1-imi sungaartumik nalunaaqutsigaavoq.



Ingerlatsivimmit aningaasatigut sulisoqarnikkullu naliliinerit
Pisariaqanngilaq.

Suliffeqarfimmut Kiffartuussivimmit aningaasatigut naliliineq
Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommuneqarfik Sermersuumi Kommunalbestyrelsimi Aqutsinermi Ilegqqoreqqusaq

Ilanngussaq

1. Kommuneqarfik Sermersuumi piginnaatitsinermik agguataarinissamut pilersaarutip nutarterneqarnissaanut siunnersuut

Punkt 9: Oqaluuserisassanut tapiliusseq: Angerlarsimaffeqanngitsunut inissat nuunneqarnerinik ilisimatitsissut

Beslutning

Ilisimatitsissut tusaatissatut tiguneqarpoq.

Angerlarsimaffeqanngitsunut inissat nuunneqarnerinik ilisimatitsissut

Ilisimatitsissut

SagsiD.: EMN-2022-00294

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititadamut inassuteqaatigaa:

- angerlarsimaffeqanngitsunut inissat nuunneqarneri pillugit ilisimatitsissut tusaatissatut tiguneqassasoq.

Suliamik saqqummiussineq

Ulloq 13. januaari kommunimut pilersaarummut tapiliusseq 1C30-4, Tuujuk, Sanarfinermut Avatangiisinullu ataatsimiititadamut akuerineqarpoq. Tamatuma kingorna kommunimut pilersaarummut tapiliusseq Aningaasaqarnermut Inuussutissarsiornermullu ataatsimiititadamut ulloq 3. februaari akuersissutigineqassaaq. Kommunimut pilersaarummut tapiliusseq akuersissutigineqassappat, tamanna Blok C-mik aamma D-mik isaterinissamik kinguneqassaaq, nunaminertani inissialiornissaq aallartinneqassamat.

Blokkit taakku piffissami matumani kommunip ajornartoornermi angerlarsimaffeqanngitsunut unnuisarfittut, katillugit 60-inut inissallit, atorpai. Taamaattumik kommunimut pilersaarummut tapiliusseq akuerineqarpat, inissat taakku 60-it B-306-imut - Ernutaq B-1396 - Ungaaq, nuunneqassapput, taakkualu iluarsaanneqarput erngertumik iserterfigineqarnissaminut.

Ingerlatsivimmit aningaasatigut sulisoqarnikkullu naliliinerit

Aningaasatigut allaffissornikkullu kinguneqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataitallit

- o Kommunimut pilersaarummut tapiliusseq 1C30-4: Tuujuk, Nuuk, januar 2022

Ilanngusseq

Ilanngusseqanngilaq.

Punkt .: Taasariaqartut allat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 15:18.